

Xujun xi kits'ínkjihí nda postru Pablo xuta ninku Efeso

B'i ts'ín kikjaniñaha Pablo xuta ninku xi tjin nanki Efeso

¹ An Pablo, an xi kama nku nda postruhu Jesucristo at'aha Ntíaná b'a ts'ín kama mjehe. Tífaniñanuu jun xuta Efeso xi kikj'áts'enuu Ntíaná, jun xi s'ejinnuu Cristo Jesu.

² Kas'enuu kjuanda ko kjuajyu xi tsjáná Ntia Na'miná ko Nda Ntíaná Jesucristo.

B'i ts'ín tsakúya Pablo kjuandaha Ntíaná

³ Kan'etsjoho Ntíaná xi Ntíaha ko Na'mihí Nda Ntíaná Jesucristo. Kui xi kits'ín nga ajihín Cristo kisakúná ngayje tíkjá ni nda xi nibáha ndjiojmi ján, ni xi tsjáná Espirituhu.

⁴ Cristo kits'ínchjén nga j'ájinná kintehe ni nga kits'ínnda asuntee tu xi kjuáts'ehená ko tu xi namí s'ehená jé nginkun. Tjoho Ntíaná ñá.

⁵ Kui nga y'enda tíjuhun nga Jesucristo ts'ínchjéhen tu xi ntíhí tsichu mahaná. Tsitjusun xi nkú ts'ín kama tsjoho ko kama mjehe.

⁶ Kui nga kan'etsjoho ra Ntíaná xi bakúchji kjuanda chánkaha, kjuanda xi sakújinná Ntíhí xi tu xí tjohó ra.

⁷ Kísaténdzjo jníhí Ntíu. B'a ts'ín kis'echjintjaihi jéná ko kin'endyjat'aná ngatitsunná. Kama xi nkú tjin bichú kjuachánkaha kjuandaha Ntíaná.

8 Kui kju_uandoo xi tu ni xi kitsjáháná tu xi s'ehená ngayje tikjá kju_uankjintak'un ko tu xi kamankjihinná ni xi ts'e.

9 Y'éjña chjiná ni xi kama mjehe nga ts'ín, xi y'éjña 'ma nistjin nk'ie. Kama tsjohó nga y'énda tíjtjun ni xi ts'ín Cristo.

10 Y'énda nga nkuhú kuichúk'iekú ajihin Cristo ngayjee ni xi tsichuba ndjiojmi ján ko asuntee. B'a kama nk'ie nga ja kuichú chubá. Ts'íntjusun ni xi ja y'énda.

11 Xi nkú ts'ín y'énda tíjtjun Ntíaná, b'a ts'ín kits'ínchjén Cristo tu xi j'ájihinni jin xi ntje judio tjeheenni ko kitsjáni ni xi tsjáha ntíhi. B'a kits'ín at'aha Ntíaná ts'íntjusun ngayjee ni xi b'énda.

12 Ko jin kichuyáihí ni nda xi sakújinni Cristo. Jin tjun b'a kin'eí. Kui nga tín'etsjohó rá Ntíaná xi tjihin kjuachánka.

13 Jun bi kinu'yó ko kis'ejinnuu én xi naxu tjin. Kui xi én nda tsuhu Jesucristo xi kits'ínk'ankinnuu. Ko Cristo kits'ín nga kin'ekjóhóon Espirituhu Ntíaná, Espiritu xi kitsúya tíjtjun nga tsjá. B'a ts'ín kis'ejña chjhi nga Ntíaná ts'enuu.

14 At'aha tsjá tíjtjun Espirituhu tu xi cháha nga n'ekjáihin ni xi tsjáha ntíhi nk'ie nga kama ndaíyjehe xuta xi ja kis'echjintjai. Kui nga kan'etsjohó rá Ntíaná xi tjihin kjuachánka.

B'i ts'ín kinchjantjai Pablo xuta ninku nanki Efeso

15 Kui b'a maha, nkúhu nga kint'e nga s'ejinnuu Nda Ntíaná Jesu ko nga tjonuu ngayjee xuta xi ts'e Ntíaná,

¹⁶ najmi títs'inkj'áíya nga nchjantjáínūu nk'ie nga nchjaka Ntíaná kō tsjaha máb'achjihī nga nda tímat'on.

¹⁷ Tíbankihī xi Ntíaha Nda Ntíaná Jesucristo, Na'mi xi tjihīn kjuachánka, nga Espirituhū kat-sjánūu kjuankjintak'un kō k'uéjña chjinūu ni xi ts'e, tū xi kamankjihinnūu nkú tjihīn rā ngat'a ts'e Ntíaná.

¹⁸ Tíbankihī nga kakjex'ájin kjuankjink'unūu tū xi cháhanu ni xi tíkuyáha xutā xi Ntíaná j'ájihīn kō tū xi cháhanu xi nkú ts'ín chánka ni xi ts'íinkjáhīn xutā ts'e.

¹⁹ Mjena nga choo xi nkú ts'ín chánka ts'ati nga'yúhūn Ntíaná, nga'yún xi basinkoná ñá xi s'ejinná éhen. Kui nga'yún xu'bo bakúchji ni xi ts'ín Ntíaná.

²⁰ Kui xi kits'ínxájihīn Cristo nk'ie nga Ntíaná kits'inkj'áíyaha ngabayoo kō kits'ink'íéjñat'aha Ntíaná nk'a ján, yō má batéxuma.

²¹ Kitsjáha ante xi 'yún nk'a ajihīn ngayjee xi batéxuma asunntej kō xi tjihīn xá, xi yankjún, xi nk'a tjen kō xi tjihīn tū mí xáhá ni xi yankjún. Najmi tū nku nīstjin xi kich'aá nd'ai b'a ts'ín nk'a tjen, kō ní nīstjin xi kj'uaí askahan.

²² Ngayjee ni xi tjín aya ntsja Cristo y'éya Ntíaná kō y'éjña títjun ya Cristo nga kuatéxumaha ngayjee ni xi tjín ngandaha xutā nīnku.

²³ At'aha xutā nīnku, kui xi yjonintehe Cristo kō Cristo xi ts'ín nga kama ndjuú tū mí nihí ni. Tsa ni xi najmi tjihīn xutā nīnku, najmi ma ndjuú Cristo kai.

B'i ts'ín tsakúya Pablo nk'ie nga n'ek'ankiná tu ngat'aha ni xi kits'ín Cristo

¹ Jun bi tu ngat'aha ngatitsunnuu ko jénuu xutak'ien kamo.

² Nk'ie tintsubajiun jénuu xi nkú ts'ín tíjñaha xuta asunte xu'bi ko xi nkú ts'ín mjehe ndaninda k'aku xi tjihin nga'yún ajihin séen. Kui xi títs'ínxájihin nd'ai xuta xi najmi nt'é'ehen Ntíaná.

³ Ngatenteé b'a ta n'e tintsubaá nistjin nk'ie xi nkú ts'ín kinchjaha animaná asuntee. Kin'eé ni xi kama mjehe animá ngatitsunná ko ni xi tjínjin kjuankjink'unná. Xi nkú k'aán nk'ie, ñá tsuhuná kjuakjahan Ntíaná xi nkúhu xuta xingisoo.

⁴ Tunga tu ni xí ma nimahá ra Ntíaná xuta, kui nga 'yún kits'íntjohoná.

⁵ Kui kjuaha kits'ínk'íentu tík'unkehoná Cristo nk'ie nga ja tsayahaá ngatitsunná. Ngat'aha kjuandaha tu títs'ínk'ankihínu Ntíaná.

⁶ Ntíaná ta ñja kits'ínkj'áiyakoná Cristo ngabaya xi tintsubajián kai ko kits'ínk'íentukoná Cristo ndjiojmi ján.

⁷ B'a kits'ín tu xi nistjin xi nibáha kuakúchjihi xi nkú ts'ín chánka tíjña kjuandaha, kui xi tu xí ndahá, at'aha nda tsasená ngat'aha ni xi kits'ín Cristo Jesu.

⁸ Ngat'aha kjuandaha Ntíaná ts'ankihinu at'aha kis'ejinuu. Ntia níná tu kits'ínk'ankihínu. Najmi jun manuu n'o ni xu'bi.

⁹ Najmi ngat'aha ni nda xi kin'eé ts'ankihiná, tsa tu xi b'a ts'ín tjín xi nk'a k'uasjehe yjoho.

¹⁰ Ntíaná kits'ínndaná. Y'éyaná xi nkúhu Cristo nga kits'ínndaná tu xi n'ehená ni xi nda xi y'énda

títjun kō tū xi kuintsubajihinná ni xi ndoo.

B'í ts'ín tsakúya Pablo nk'ie nga Cristo nkuhú ntje kits'ín ma xuta judio kō xi najmi judio

¹¹ Kui b'a maha, jun xi najmi ntje judio kich'o nga kitsiun, n'ekj'áítsjehennu xi nkú n'e tintsuboo nístjin nk'ie. Xuta xi najmi kin'ehe ni circuncision kitsúnuu xuta xi ntje judio tjehen ra, at'aha kui xi ts'íhin yjonintehe ni circuncision.

¹² N'ekj'áítsjon nga kui nístjiun tintsuba t'axíhun Cristo kō nga najmi ntjehe xuta Israel jun. Najmi kama ts'ajun ni xi y'éndako títjun Ntíaná xuta xi ts'e, ni xi kitsúya títjuhun nga tsjáha. Ndaha nku ni xi tsjáha Ntíaná xuta xi ts'e najmi tíchuyóhoo nga sakúnuu kai. Chuba tintsubanú asunntee nga najmi yo Ntíaná.

¹³ Kjin tintsuboo nístjin nk'ie, tunga nd'ai nkuhú ja kamakoo Cristo Jesu kō ja tintsuba tiño tū ngat'aha jní xi tsaténdzjo Cristo.

¹⁴ Ngat'aha Cristo tjíhinná kjuajyu. Kui xi nkuhú ntje kits'ín ma xi ntje judio tjehen ra kō xi najmi ntje judio tjehen ra. Kikjexuba xjó xi y'échjaha xuta nk'ie tū xi nkuhú kamaha. Kikjexín ni xi ngji kontraha ra xinkjín xuta. Kitsjá yjonintehe

¹⁵ tū xi y'éjña t'axíhin kjuatéxuma xi kin'ekjas'ehen Moise xi nkjin ni tjí't'aha. B'a ts'ín nkuhú ntje tsetse kits'ín maha nga joo kō nkuhú kits'ín makō yjoho. Kits'ín nga tsichut'áha xinkjín nga nkúnkú.

¹⁶ K'ient'á kruu tū xi nkuhú ntje ts'íin maha nga joo kō nga kuinchjako nda ngáha Ntíaná. B'a ts'ín kikjexíhin ni xi ngji kontraha ra xinkjín xuta.

17 Cristo j'ai tsjá én nda tsu, kui xi y'a kjuajyu. B'a ts'ín kisakúhunuu kjuajyu jun xi kjin tintsuho Ntíaná nistjin nk'ie kō tā kisakúhu kjuajyu xi tiña tjíntu.

18 Ngat'aha Cristo xi ntje judio tjeheñ ra kō xi najmi ntje judio tjeheñ ra ma bichút'aha Ntíaná nd'ai. Nkuhú Espirituhu Ntíaná xi ts'ín nga bichút'ahaá.

19 Kui b'a maha, najmi tā xutā kj'aíhinu kō tā ndaha xutā xi tjímasún. Ja ní tsichumo kō jun xutā xi ts'e Ntíaná kō nkuhú ja makoo xutā xi tjíntunkí nk'íéheñ Ntíaná.

20 Jun xi nkú joyaha nku ni'ya xi tímanda, xi já postru kō já profeta kik'atuts'ihin. Tunga Jesucristohó kitsjá xáha nga b'a incha ts'ín.

21 Cristo be xi nkú ts'ín ngjuai ni'yoo. Nk'ie nga kama ndjuú ni'yoo, nku ninku xi tsje kamaha Ntíaná.

22 Jun xi y'ahanuu Cristo bichúmo ninku xi má nga tijnaya Espirituhu Ntíaná.

3

B'i ts'ín kitsúya Pablo xá xi kik'aihi

1 An Pablo ngat'aha Cristo Jesu kjíiya'yúhunna. B'a tímat'an tu ngat'aha ngandanuu jun xi najmi ntje judio tjeheñuu.

2 Yo nga kik'aina nga k'uenijmínuu kjuandaha Ntíaná.

3 Tsakúchjina ni xi y'éjña 'ma nistjin nk'ie, xi nkú nga ja tā kuak'iet'ánuu.

4 Nk'ie nga n'eyo xujuin, choo nga be sisian ni xi kis'ejña 'ma ngat'a ts'e Cristo.

⁵ Kui niu xi najmi kik'inyaha xuta xi kis'e nú chá ján nk'ie, tunga nd'ai Espirituhu Ntíaná ja tsakúchjihí já postruhu kó já profetaha Ntíaná

⁶ nk'ie nga xuta xi najmi ntje judio tjeheñ ra ta ts'ínkjáihín ni xi tsjáha Ntíaná ntíhi kó ta kuichú ma nku yjonintehe Cristo kó ta sakú yaha ni xi kitsúya títjun Ntíaná nga tsjáha xuta xi ts'e. Én nda tsuhu Cristo xi b'a ts'íun.

⁷ Ntíaná tu kitsjáhana nga k'uenijmía éñ nda tsu xu'bj. Kjuandaha Ntíaná xi b'a kits'íun. Kitsjana xi nkú ts'ín tjeheñ ra nga'yún chánkaha.

⁸ An xi 'yún ichí sa ajihín ngayjee xuta xi ts'e Ntíaná, tunga kik'aihína kjuandaha nga tíb'enijmíhi xuta xi najmi ntje judio tjeheñ ra kjuanchináha Cristo xi ndaha nku najmi ch'a mankjinyeje.

⁹ Tíb'ejña chja xi nkú ts'ín títbitjusun ni xi y'éjña 'ma Ntíaná nístjin nk'ie, kui xi kits'ínnda ngayjee ni xi tjín.

¹⁰ B'a ts'ín xuta ninku tíb'ejña chji nd'ai xi nkú tjín kjuankjink'uhun Ntíaná, kjuankjink'un xi kj'ai kj'ai ts'ín yaha. Kui ni xu'bj tís'ejña chji nginkun xi tjíhín xá kó xi tjíhín nga'yún nk'a ján.

¹¹ Kui niu xi y'énda títjun Ntíaná nkúhu nístjin nk'ie kó Nda Ntíaná Jesucristo ja kits'íntjusun niu nd'ai.

¹² At'aha nkuhú makaá Cristo kó at'aha s'ejinná éñ nda tsuhu, kui nga tsuhu ra tak'aán kó najmi binkjaán nga bichúk'un tiñahaá Ntíaná.

¹³ Kui b'a maha títbankihínuu nga najmi tu n'ekjehe ruu tak'un ngat'aha nga un tíbena ngandanuu. Ngat'aha nga un tíbena, Ntíaná tít'sín nga

tís'ejña chjinuu kjuachánkaha.

B'i ts'ín kitsúya Pablo xi nkú ts'ín bankintjái xuta ninku Efeso

¹⁴ Kui kjuaha báasinkúnch'ihinna nginkun Ntia Na'miná.

¹⁵ Kui xi b'éjña nga s'e nga nkúnkú ntje xi tjín ndjiojmi ján kō asuntee.

¹⁶ Bankihí nga Espirituhu Ntíaná katsjá nga'yúnkohonuu xi nkú ts'ín tíjña kjuachánka tsjo tjíhin tu xi s'ehē rā nga'yún animanuu,

¹⁷ kō nga Cristo kat'ejñajin animanuu tu ngat'aha nga s'ejinnuu. Katji nanka kjamanuu ajihin kjuatjoo kō ndjá tinchajiun,

¹⁸ tu xi b'a ts'ín jun kō ngayjee xuta xi ts'e Ntíaná kama kamankjihinnuu xi nkú ts'ín tayá kō ndju kō nanka kō nk'a kjuatjoho Cristo.

¹⁹ Mjena nga choo kjuatjoho Cristo tu xi b'a ts'ín katsejín kikjihinnuu Ntíaná, ndaha tsa 'yún chánka sa kjuatjoho nga ni xi mankjinná.

²⁰ Kan'etsjoho Ntíaná, kui xi ts'ati ni xi maha ts'ín nga xi nkúhu ni xi binchihí kō tsa xi nkú ts'ín títsu animaná nga kama. B'a ma xi nkú ts'ín tíjña nga'yún xi ts'e xi títs'ínxájinná.

²¹ Kats'ínkjáihín Ntíaná kjuachánka ajihin xuta ninku xi ts'e Cristo Jesu. Tehente b'a katuma kō santaha tu nk'éhé ni. Johon, b'a katuma.

4

B'i ts'ín tsakúya Pablo nk'ie nga nkuhú tinchajián Cristo

¹ Kui b'a maha tībankihinnuu an xi kjíiya'yán ngat'aha Nda Ntíaná. Kixi tankínkōo yjonuu xi nkú

ts'ín tǵihín nga ts'ín xutá xi Ntǵianá j'ájihín. At'aha Ntǵianá j'ájinnuu.

² Nǵimakjua n'esjo yjonuu kǵo nda kas'eya animanuu. Kas'enuu kjuatsenta kǵo b'i ngján n'e'yún tak'un xinkiu. B'a n'oo tǵu ngat'aha kjuatǵo xi tǵíñajinnuu.

³ Tjen nga'yúhuun yjonuu nga nkuhú katumako tehento xinkiu xi nkú ts'ín tsǵániyánuu Espirituhú Ntǵianá kǵo xi nkú ts'ín nkuhú ts'ín manuu kjuajyuu.

⁴ Nkuhú maha yjonintehe Cristo kǵo nkuhú maha Espirituhú Ntǵianá xi tǵíña. B'a tǵa ts'ín nkuhú j'ájinnuu Ntǵianá, kui nga nkuhú ni xi tǵichuyóhoo.

⁵ Nkuhú maha Nda Ntǵia xi tǵíña. Nkuhú ni xi s'ejinná kǵo nkuhú Nda Ntǵianá n'ekjas'eheén xutá nga batentáhaá.

⁶ Nkuhú maha Ntǵianá xi Na'miná ngatenteé, kui xi batéxumaha, ts'ínchjén kǵo tǵíñajihín ngayjee ni xi tǵín.

⁷ Tunga kin'ekjáiín raá kjuanda nga nkúnkáá. Xi nkú ts'ín kits'índzjoná Cristo, b'a ts'ín kisakúná.

⁸ Kui nga b'i ts'ín tǵít'aha éhen Ntǵianá:

Ngjinji nk'a ján nga ngjiko xi jakj'á,

kǵo tǵu kitsjáhá rǵa xutá ni xi nda.

⁹ ¿Nkú tsuhú rǵa nga ngjinji? Kui xi tsuhú rǵa nga tǵun ngjijen má nankaha t'anankiu.

¹⁰ Kǵo xi ngjijeén, kui xi tǵa ngjinji má 'yún nk'aha nk'a ján tǵu xi ts'íntjusuhun ngayjee ni xi tsichuba.

¹¹ Kǵo kui kikjin xi kitsjá nga tǵín xi kama já postru, kǵo nga tǵín xi kama já profeta, kǵo nga tǵín xi k'uénjímí én nda tsuhú Ntǵianá, kǵo nga tǵín xi kama já bastuu kǵo já maestru.

12 Kui kjuandoo kik'aihi jóo tu xi kuakúyaha ra xuta xi ts'e Ntíaná xi nkú ts'ín kuasinko xinkjín ko tu xi b'a ts'ín sakú nga'yúhún ra xuta nínku, kui xi yjonintehe Cristo.

13 B'a ts'ín nkuhú s'ejihinná ko nkuhú chaá yáha Ntíhi Ntíaná. Yohó ni ma kuichú maá xi tjihin nga kuichú maá ko s'eyaná xi nkúhu kui.

14 Nk'ie nga b'a kamoó, najmi s'eyaná xi nkúhu jántí xi xi kjit'a kjit'a kj'aí ts'ín s'eyaha ko najmi k'uainteé tsa tu mí ni tsetsehé xi sakúyaná, tsa kui niu xi kjé'yúnná nga mjehe k'uanachaná. At'aha kui niu xi ts'ínchjén já maña xi ni tsank'á bakúya.

15 Tu sa ní én xi naxu chubaá at'aha tjoná xinkíá. B'a ts'ín sájihinná Cristo, kui xi nintaku xuta nínku.

16 Cristo ts'ín nga ngayjee yjonintee nkuhú bichú mako xinkjín ko b'a'yún sisihin xinkjín ngatentee ni xi tjihin yjonintee. Tsa ngatentee yjonintee ts'ínxá sisin, ngayjee yjonintee sá sisin ko sakú nga'yúhún nga binchajin kjuatjo.

B'i ts'ín tsakúya Pablo xi nkú ts'ín tjihin nga kuintsubaá nginkun Ntíaná

17 Kui nga b'a xihinnuu ko ngajoho Nda Ntíaná b'a xihinuu ma. Najmi b'a ta n'e bintsuba sahanu xi nkú ts'ín tjintu xuta xi tjin asuntee, xuta xi ni tiya ts'ínkjink'un.

18 Kui xi ja kis'ejyún kjuankjintak'uhún ko najmi tjintu tik'un xi nkú ts'ín ts'ínk'íentu tik'un Ntíaná xuta xi ts'e. At'aha ja kits'ín ndjá animaha ko najmi ta mankjihin ra ni xi ts'e Ntíaná.

19 Ja najmi ta tjihin ra kjuasuba ko ja kits'ínkjas'ehen yjoho ni ch'onk'uun. Najmi ta

b'éch'oho ra yjoho nga ts'in ngayje tikjá ni xi chuntí nginkun Ntjaná.

²⁰ Jun bi najmi b'a tsu éhen Cristo xi tsakuyáhi tsa b'a noo.

²¹ At'aha ja kinu'yó éhen Cristo ko tsinchiyó ni xi ts'e, ko yo nga Jesu tijnajihin ni xi naxu tjin.

²² Najmi b'a ta ts'in bintsubahanu xi nkúhu nk'ie. N'ek'ontjaiyo animanuu. At'aha ni xi kama mjenuu nk'ie ts'anachaha ko kits'inkatsúhun.

²³ Tjihin nga n'e tsetse ngáhanu animanuu ko kjuankjintak'unnuu.

²⁴ N'e tsetsoo yjonuu, at'aha Ntjaná kits'innda tsetse ngáha animanuu. Xi nkú ts'in tjiyaha nga kixi ko je, b'a kits'ink'ie.

²⁵ Kui b'a maha, najmi ta ch'anachaha ruu xinkju. Najmi tu én tsank'á chubo, at'aha nkuhú yjoninte mahaná ngatenteé.

²⁶ Nk'ie nga tíma kjannuu, najmi tu ngatitsun n'o. Najmi tu bintsuba kjon nku nistjin tanto.

²⁷ Najmi tu 'baintohoo ndanindoo.

²⁸ Xi ndyjé ts'in nk'ie, najmi b'a ta kats'ihin. Kats'inxá ní ko kats'inchjén ntsja nga kats'in ni xi nda, tu xi b'a ts'in kama kuasinkoho xuta xi machjéhen ra tsa mí nihi.

²⁹ Ndaha nku én ch'on tsu najmi tu kuitju tsu'bo. Én xi nda ní chubo, én xi tsjá nga'yúhun xuta, tu xi nda kamat'aihin xuta xi kuint'é énnuu.

³⁰ Najmi tu ni xi ts'in'uhun Espirituhu Ntjaná n'o. At'aha kui xi kik'ainuu tu xi chaha nga jun xi xuta xi ts'e Ntjaná nk'ie nga kuichú nistjin nga kuitjusun nga kama ndai kikjinnuu.

³¹ Tich'onsjoo ngayjee ni ch'onk'un xi tjíntujín animanuu, kjuakjooon kō kjuastintoo. Najmi tu ch'íya kjon, kō najmi tu ch'on 'mihiu xinkiu, kō najmi tu ngat'aha tu mí nihí ni n'e uncho xinkiu.

³² Nda ní chasohō xinkiu kō chasenimohō xinkiu. N'e ndyjat'ohōo xinkiu xi nkú ts'ín kisakújinnuu kjuan'endyjat'a ajihín Cristo.

5

B'i ts'ín tsakúya Pablo nk'ie nga ñá xi ntíhí Ntíaná

¹ Ntí tjohō Ntíaná jun, kui nga b'a tā n'ehenu xi nkú ts'ín Ntíaná.

² Xi nkú ts'ín y'ejñajin kjuatjo Cristo nga kits'íntjoná, b'a ts'ín tintsúbajiun kjuatjo. Kui xi kitsjá yjohō nga k'ienntjáhíná. Kui xi kama nku chje sinjne xi kin'ekjas'ehen Ntíaná.

³ Ja k'ikj'áts'enuu Ntíaná. Kui nga tā santaha najmi tjíhin nga chubanjimíyahanu xi nkú ts'ín chuba fantukohó xinkjín xutā xi tjín, kō tsa tu mí nihí ni xi chuntí nginkun Ntíaná, kō tsa kjuásihūun ni xi tjíhin xutā xingisoo.

⁴ Kō najmi tu chubo én xi najmi nda tsu, kō tsa én ton ch'on tsu, kō tsa nku én xi najmi nda fane, at'aha najmi chumi ni chjíhi rā ni xu'bo. Tu sa ní én xi tsjáha máb'achjíhi Ntíaná chubo.

⁵ At'aha ja yo nga xi chuba fantukohó xinkjín, kō xi ts'ín ni xi chuntí nginkun Ntíaná, kō xi fásihín ni xi tjíhin xutā xingisoo, kui xi najmi tsuhū rā nga Cristo kō Ntíaná kuatéxumaha. Xi tífásihín ni xi tjíhin xutā xingisoo, kui xi kj'aí ntia tjennki.

6 Najmi tu 'bainto tsa tjín xi k'u^uanachakonuu nku én tiya, at'aha ngat'aha ni xu'bi kju^uakjahan Nt^uianá nibánehe ra xuta xi najmi nt'é'éhen.

7 Kui nga najmi tu jun n'engujihin ruu yjonuu xuta xi b'a t^uincha ts'ín.

8 At'aha nistjin nk'ie má jyuun tintsu^uboo, tunga nd'ai ja má ndzjeen tintsu^uboo nga nkuhú makoo Nda Nt^uianá. Kui nga tintsu^ubahanu xi nkú ts'ín tjíhin nga k'úéntu xi tjíntu má ndzjeen.

9 N'oo ni xi nda ko naxu ko kixi, at'aha kui niu xi bakúchji nga má ndzjeen tje^uhenná.

10 T^uinchí^ujo má nihi xi sasíhin Nt^uianá.

11 Ndahachí najmi tu n'o ni xi najmi chumi ni chj^uíhi ra, ni xi ts'ín xuta xi ts'e má jyuun. Tu sa ní t'e^ujñachiu nga najmi nda niu.

12 At'aha tu ñáhá xí subahá maná nga n'ekjáá ni xi ts'ín'ma xuta xu'bo.

13 Tunga ma chj^uíhí ngayjee ni xi tjín nk'ie nga s'entuchjí má ndzjeen,

14 at'aha nd'íu b'éjña chji tu mí nihí ni. Kui nga b'a ts'ín t^uít'a:

N'ekj'áíhi yjohi, ji xi kisufei.

T^uisíntjein ajihin xutak'ien.

Tsa b'a n'ei, Cristo ts'íin ndzjehin.

15 Kui b'a maha, nda nda chasehenu xi nkú n'e ku^uintsu^uboo. Najmi tu ni xi ts'ín xuta stjen n'o. N'e nínú xi nkú ts'ín xuta nkjink'un.

16 N'oo ni xi nda tu mí chu^ubahá ni nga sakúntenuu nga b'a n'oo, at'aha ch'on chun nistjin xi kich'aá nd'ai.

17 Kui nga najmi tu nch^uini n'esjehenu yjonuu. Katumankjin nínuu mí nihi xi mjehe Nda Nt^uianá nga n'oo.

18 Najmi tu n'e ch'iu, at'aha kui niu xi ts'in nga n'ee tu mi nihí ni. Tu sa ní Espirituhu Ntiana katsejihinnu.

19 Salmo ko sohon ninku chubanijmíyakohonu xinku ko só xi nkú ts'in kuakúyanuu Espirituhu Ntiana. Ngayjehe animanuu só ko n'etsjohoo Nda Ntiana.

20 Tu mi kjuahá ni tehente tjohoon mab'achjihí Ntia Na'miná. B'a n'oo at'aha Nda Ntiana Jesu-cristo ts'enuu.

B'i ts'in tsakúya Pablo xi nkú ts'in k'úéntuko xinkjin xuta

21 Chanjkún xinku at'aha Cristo týankjún.

22 Jun xi tí'minuu chjuún, chanjkún x'innuu. B'a n'oo xi nkú ts'in týankjún Nda Ntiana.

23 At'aha xi tí'mi x'in, kui xi síjña tíjuhun chjuúhun xi nkú ta ts'in Cristo síjña tíjuhun xuta ninku. Xuta ninku kui xi yonintehe Cristo, ko Cristo kui xi kits'ínk'ankihí.

24 Xi nkú ts'in xuta ninku benjkún Cristo, b'a ta ts'in xi tí'mi chjuún tu nkjéhé ni katenjkún x'ihin.

25 Ko jun xi tí'minuu x'in, n'etjó chjuúnnuu xi nkú ts'in Cristo kits'íntjo xuta ninku ko kitsjá yjoho ngandaha.

26 B'a kits'ín tu xi kikj'áts'ehe. Éhen kits'ín jekoho ko ntánijua tsanéjnukoho

27 tu xi ja tjihin ra kjuachánka xuta ninku nk'ie nga kuichú nginkun. Najmi s'ehe ni chuntí, najmi ch'on k'úé, ko najmi s'ehe tsa mí nihi. Mje níhi Cristo nga je ko nga nda kikjin kama xuta ninku.

28 B'a ta ts'ín xi tí'mi x'in tjíhin nga ts'íntjo chjuúhún. Kats'íntjo xi nkú ts'ín tjohó yjonintehe. Xi tjohó chjuúhún, kui xi tjohó yjohó.

29 At'ahá najmi tjín xi unkie yjonintehe. Tsjá níhi nichine kó kuhún xi nkú nga ts'íhin Cristo xuta nínku.

30 At'ahá ta yjonintehe Cristo tintsúbajían.

31 B'í ts'ín jtít'a: “Kui nga nku ndá k'uéjñaha xi cháha nga k'uéjñako chjuúhún kó nkuhú yjoninte kuichú ma nga joo.”

32 'Yún nanká ni xu'bjí, tunga nk'iehé nga nch-janímíya Cristo kó xuta nínku ts'inchjén niu.

33 Jun tjíhin nga n'etjó chjuúnnyu xi nkú ts'ín tjonnyu yjonnyu. Kó xi tí'mi chjuún katenkjún x'íhin.

6

1 Kó jun xi tí'minnyu ntí, t́nú'yá'óhóon xi chánnyu at'ahá Nda Ntíaná s'ejinnnyu. At'ahá kui niu xi nda tjín nginkún Ntíaná.

2 Ajihín kjuatéxuma xi kin'ekjas'ehe Moise kui kjuatéxuma xu'bjí xi tjun títsuya ni xi Ntíaná tsjáha xi kuint'é'éhe. B'a títsu: “Chankjún na'mihí kó naahí

3 tu xi nda kamat'aihinni kó tse nístjin kamaha ri nga kuinchin asuntee.”

4 Kó jun xi tí'minnyu na'mi, najmi tu chubá kjan n'ekoo ntínnyu. Tu sa ní tjen nnyóhoo nga n'echó kó takúyohoo ni xi ts'e Ntíaná.

5 Kó jun xi tí'minnyu xuta musu xi kich'atse, t́nú'yá'óhóon xi já ntíannyu ei asuntej. Chankjún kó tinkjún kó ngayjehe animannyu t́nú'yá'óhóon, xi nkú joyaha tsa Cristo t́nu'yá'óhóon.

⁶ Najmi t̄u nku nk'ie nga t̄ibasenuu nga b'a n'oo, tsa t̄u xi b'a ts'ín nda skuehenuu. N'e nínú xi nkúhu xuta musu xi Cristo ts'atse. Ngayjehe animanu u n'oo ni xi mjehe Nt̄ianá.

⁷ Nk'ie nga t̄ín'o nku xá, ngayjehe k'un b'a noo. B'a noo xi nkúhu tsa nku xáha Nda Nt̄ianá t̄ín'o.

⁸ At'aha yo nga Nt̄ianá tsjá ngajoya ngáha ra ni xi nda kits'ín nga nkúnkú xuta, ndaha tsa musu xi kich'atse k̄o ndaha tsa xi ndáih̄i yjoho.

⁹ Jun xi t̄í'minuú já nt̄ia, b'a ta n'oo xi nkú nga t̄ixih̄in xuta musu. Najmi t̄u binchankjúhun. Ja yo nga nkuhú maha Nda Nt̄ianuu xi t̄jña ndjiojmi ján k̄o nga kui xi najmi ngabi ts'ín ajih̄in xuta.

B'í ts'ín tsakúya Pablo xi nkú ts'ín k'úéndaá yjoná t̄u xi najmi ts'ín nganahaná ndanindoo

¹⁰ Ni xi fekuhu xi xínnuu, kasakúnuu nga'yún ajih̄in nga'yún chánkaha Nda Nt̄ianá.

¹¹ Xi nkú joyaha já jun xi b'énda yjoho nga kján, b'a ts'ín n'ech'okohonu yjonuu ni xi tsjáná Nt̄ianá, t̄u xi ndjá kama kuinchahanu nga kuankín kontroho kjuamañaha ndanindoo.

¹² At'aha najmi xuta asunnte t̄ibixkjanakaá. Xi t̄jín níh̄i nga'yún t̄ibixkjanakaá, xi nk'a xáha, xi batéxuma asunnte ngatitsun xu'bi. Kui xi jáninda ch'onk'un nkjún xi t̄jín nk'a ján.

¹³ Kui nga t'endahanu yjonuu xi nkú joyaha já jun xi Nt̄ianá kitsjáyjehe ni xi ts'ínch'okoho ra yjoho, t̄u xi kuichúkuahanuu nk'ie nga kuichú n̄istjín xi ndjá n̄iba. K̄o nga ja t̄jinda sisinnuu yjonuu, ndjá t̄incho.

¹⁴ Kui b'a maha, ndjá t̄inchahanu. Ni xi y'éjña Nt̄ianá k̄o ni xi naxu nginkun, kui xi

n'ech'okohonu yjonuu xi nkúhu já jun xi ts'ínch'oho yjoho.

¹⁵ T'endo yjonuu nga t'enijmíú én nda tsu xi tsuya kjuajyuhu Ntíaná.

¹⁶ Machjéhen nga n'e s'ejun Ntíaná, tu xi najmi tjín xi nkú ts'ín ts'ín'uhunnuu ndanindoo.

¹⁷ T'ejin tak'un nga Ntíaná kits'ínk'ankinuu. Chjúbó éhen, kui xi kitsjánuu Espirituhu Ntíaná tu xi kuisinkokohonu yjonuu.

¹⁸ Tehente chubakoo Ntíaná xi nkú ts'ín tsjáníyánuu Espirituhu. Chubakoo ko tinchíhuu ni xi machjénnuu. Tintsuba ndo ko najmi tu n'ekjiohoo tak'un nga chubantjo ngayjee xuta xi ts'e Ntíaná.

¹⁹ Kō ta chubantjainú nk'ie nga chubakoo Ntíaná, tu xi tsjáhana én xi kuinchja, tu xi ndjá kuinchjahana nga k'uenijmía ni xi kis'ejña 'ma nistjin nk'ie, xi ja tób'ejña chji én nda tsuhu Ntíaná nd'ai.

²⁰ Kui ngat'aha éen kjíya'yúhunna an xi tsú'ba ngajoho Nda Ntíaná. Chubantjainú nginkun Ntíaná tu xi kuinchjahana xi nkú ts'ín tjihin nga kuinchja ko tu xi najmi tsankjuhunna.

B'i ts'ín kits'ínkje Pablo xujin

²¹ Ngatentee ni xi tímat'an ko ni xi títs'ian kuitsuyanuu Tikiko, nda nts'eé xi tjona ko xi kixi títs'ínxát'aha Nda Ntíaná.

²² Kui kjuaha títs'ínkjísehenuu tu xi chahanu nkú ts'ín tintsubaí ko tu xi tsjá nga'yúhun ra animanuu.

²³ Ntía Nā'miná ko Nda Ntíaná Jesucristo kat-sjáha já nts'eé kjuajyu ko kjuatjo, ko kat'éyaha nga 'yún s'ejihin.

²⁴ Kjuandaha Ntianá kas'ehe ngatentee xi tjoh
Nda Ntianá Jesucristo, kjuatjo xi najmi maha feya.

Éhen Ntíaná
New Testament in Mazatec, Jalapa de Díaz
(MX:maj:Mazatec, Jalapa de Díaz)

copyright © 2013 Wycliffe Bible Translators, Inc.

Language: Mazatec, Jalapa de Díaz

Translation by: Wycliffe Bible Translators, Inc.

Mazateco, Jalapa de Díaz [maj], Mexico

Copyright Information

© 2013, Wycliffe Bible Translators, Inc.

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

The New Testament

in Mazatec, Jalapa de Díaz

© 2013, Wycliffe Bible Translators, Inc.

This translation is made available to you under the terms of the Creative Commons Attribution-Noncommercial-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not sell this work for a profit.

You do not change any of the words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2014-04-30

PDF generated using Haiola and XeLaTeX on 18 Apr 2025 from source files
dated 29 Jan 2022
e05183c2-7c34-5cdd-8c78-15ea51bd8cbb